

消字第二一二號

清遠縣志卷十三

民政目錄

慈善
附 救濟

戶口

宗教

社倉

社會

自治

選舉

黨務

清遠縣志

卷十三

民政目錄

民政凡例

三王各異禮五帝不同樂故傳稱因俗易貴隨時言其時有貿遷事須因革也況史志記事更宜隨事而書不能墨守不變所以古今作者損益不同卽以篇目而言前平準後食貨古河渠今溝洫或名非而實是或小異而大同討本尋源其歸一揆劉知幾所謂名目雖異體統不殊者也見史通近來國號民主民政一項遂爲專門其中所屬慈善社會自治黨務各事俱爲近世發生故古之志書無其目而在今日則視爲內政之大端不能不變通以期盡利故以類相從畧爲區別特創民政一門內分九目一曰慈善二曰戶口三曰宗教四曰社倉五曰社會六曰自治七曰選舉八曰黨務廣東通志館條目亦有民事一門以統民業民用倉當會社醫院各類廣東通志館總目說明書其意一也今日曰民政者此地方民辦之事業與國家官辦之經政相對

清遠縣志

卷十三

民政凡例

國民既有參政之權則其公共辦理之事謂之民政名實副矣

上海縣志有善堂

俞樾撰

陽江縣志有善舉

梁觀喜撰

但多列於建置開平

縣志

張啓煌修

番禺續志

了仁修

亦然今置民政爲首所以尊之欲社會人士群熱心於慈善事業也古無宗教之名近通志館條目有教門一

類今教事旣分列於建置學校而宗教則畧錄於此

集會結社古懸厲禁故民間無共同集合止有社學社倉爲紳民團集之所鄧淳所謂社學以司鄉之教事社會以司鄉之養事稍見民治之端倪而已今社學已列書院之後順德續志云社倉不可入經政

周朝槐撰

以其全爲民辦也茲故錄之民政焉

社會之說始唱於歐美各國而社會主義則有廣義狹義之分今以地方法人團體當之而載其組織狀況焉但此特社會之名詞耳吾國志書始載社學者爲嵎縣志

高似孫撰

載鄉會者爲嚴州續志

宋鄭瑤撰

社

會之目則峴山志爲始

明鄭睿
卿撰

然此與今日之團體組織不同今際

民主時期民政最重而民政發達社會實爲中堅今錄各種團體之
制度焉番禺續志列詩社於古跡順德續志列商會於建置茲以組
織制度爲主故錄於社會之內至香港廣州各公會其會員皆邑人
也故亦附之

自治選舉近日發生不外閭胥比長之鄉治至於黨務實猶明末之
復社蓋集衆相約以赴義相期許實卽社會之一故別爲一目焉

清遠縣志

卷十三

民政凡例

二

清遠縣志卷十三

民政 慈善 救濟 附

清遠養濟院在下廓社稷壇旁今圯 郝通志 雍正十三年知縣陳哲奉

准公項建 光緒志 額收孤貧男婦二十一名口歲支口糧連閩共銀八

十一兩九錢 張府志

光緒志云謹按舊志孤貧十八口歲支口糧銀一十六兩八錢四分八厘乾隆二年奉文遇閩加銀一兩四錢零四厘在起運項內扣出支給又推廣皇仁案內補給銀四十七兩九錢五分二厘遇閩加五兩四錢又額外孤貧三口歲支口糧十兩零八錢遇閩加九錢遞年赴藩庫請領還項
謹按阮通志史府志俱作清遠孤貧十八名而建府志作二十一名者蓋並額外共計也

清遠縣志

卷十三

慈善

三

光緒十六年知縣左璫新添孤貧十四名口定由三學支給 學宮碑記 清

遠養濟院田租土名出 張府志作 熟田十七畝零租銀三兩五

錢 阮通志 引册

陳哲養濟院記 見上

先王之教觴酒豆肉以奉高年藝黍牽車以供父母養老典行而教孝已寓其中矣逮夫海濱二老歸養西州無告之哀必先瑩獨養濟之院夫亦猶行先王之政也邑舊有院其廢久矣甫下車即奉上憲發帑修建視其故土蓬蒿滿目狐狸所居不徒地狹難容也爰捐俸命國學歐嘉遇買地于西南之郊背山臨水鳩工版築始為通門門內有堂堂內及兩旁餘地各開直巷令其交通巷內為小屋二十七間又于舍後為厨老者各占其一俾之比屋而居疎籬鷄犬隱隱邨莊出汲于河聚處堂內院也而家矣夫大生廣

生育物之仁也疾痛則呼慈惠之師也春陽以被之雨露以濡之雜英吐艷綠葉蕃昌獨枯槎夭折者得天淺也父母之于子也幼而噢咻長而教誨無不望其得所養而得所終也乃疲癯殘疾廢棄何堪孤苦伶仃將填溝壑甯獨上憲所不忍聞亦吾所不忍見也院成既定爾宅于是計口給食冬寒授衣命彼醫學時其疾苦而調劑之皤皤黃髮群遊化日共拜君恩予亦得藉手告無罪于斯民焉吾茲幸矣因記于石

光緒志

漏澤園在城外西北二里今圯

郝通志

尙義堂同治間附城商民釀資爲會並捐欸建一公所于上廓中華街以爲聯絡商家兼辦慈善各事如檢拾浮屍祭拜無祀等當經置有產業以爲永遠辦事之經費該產民國十三年撥爲一區黨部經費今爲平民學校經費

附城訪冊

清遠縣志

卷十二

慈善

四

旅安館在東林寺側先是光緒初年邑紳甘濟霖倡起義塚二三年均有捐題惟日久仍難支持五年邑紳麥瑞芳等聯呈知縣羅煒出示勸捐麥霖芳郭裕祖陳國勳黃崑熊劉浩和陸存謙麥韶光謝宗亮陳俊卿瞿盛才黎春融麥燦徽甘濟霖等肩任其事合共捐得銀三千餘兩卽以之建築此館兩大進廣三楹內爲義祀祠以祀無主旅魂又設義塚二處春秋致祭並僱工拾浮屍殮葬除建築之外尙餘欸項置業收息以爲經費至于館內規則凡過往外客及本街各店夥伴如有人担保者雖病重准予入館住宿醫理館旁有殮所一座凡在館內病死者皆由館給棺殯葬之

光緒志訪冊

育嬰堂在下濠基東向深兩進廣三楹原名保嬰公所同治十二年邑紳郭蕙祖郭中新送地一段並捐銀四百元郭裕祖陳國勳曹兆祥江文華貞祥店廣裕店任其事官紳商民樂捐湊銀四千餘兩除

建築堂宇外尚存銀二千六百三十兩價買大埤頂稅田二百五十餘畝寮六間迎暘街舖一間又車頭寮葫蘆洲地等每年租銀俱爲招僱乳母收養嬰孩之用由是縣屬方免溺女之慘徵信錄後以收養過多商准廣州育嬰堂轉送接養因改名清遠育嬰堂旋因廣州不收外縣嬰孩且主理非人以致經費不敷民國二十一年縣政府令追理事陳通濟虧空之款勒令交代參議會亦請整頓吳縣長鳳聲乃委興靖區梁慕陶商會潘麗泉鎮公所劉吉屏改組二十四年七月余縣長榮謀以空氣不足遷北門北帝廟修改爲清遠育嬰院設院監一人醫生三人均名譽職純當義務正副主任二人什役一人負責撫育現因經費年得千餘金暫定嬰額二十口將來再圖擴充

慕陶訪冊

福嬰堂在濱江龍頸墟光緒初年黃叢光首捐二百元倡建並捐自

清遠縣志

卷十二

慈善

五

置曲灘稅田種子二石餘以爲基礎然欸項仍然不敷後紳團鄭英展白齊芳鄭英煥朱鸞白恒心等百數十份組設一義會釀資生息以爲經費凡貧民生育者補助薑醋米食以保嬰兒自然訪冊

仁愛善堂在上廓大街光緒三十年由邑紳麥淙徽瑛徽倡建並將祖遺稅舖一間估值二千元送出爲堂址並即捐銀二千元以爲提倡尋由協理李仰舒沈幹生麥燊徽陳廷璇葉延芳麥珩徽麥振庸梁協華張廷貞梁謙瑞麥振亨等勸捐蒙蘇福善堂捐銀一千五百兩乃各處緣部六十七本共捐銀一萬一千五百餘兩合共捐得銀一萬三千零六十四兩五錢一分八厘內支建築工料銀三千六百零七兩八錢四分二厘另置物件裝修共銀三百五十九兩八錢零一厘其餘俱生息以爲贈醫施藥宣講聖諭及籌辦水災賑濟各善事經費惜經理無人所有生息之基金多被倒撻致養堂之費猶虞

不給違論各種慈善是則深有望于熱心之士力為擴充

善堂徵信錄

方便所在西門外光緒三十一年朱翰廷陳其翱黃成耀等倡建以爲各界病者留醫之所故又名留醫所但經費不敷不能聘任駐所醫生與及贈藥民國初年將停道士朱翰庭助款數百金得以維持一二年後由國民團體會撥款數百元當日開辦值事陳其翱黃成耀朱廣霞江廣鈞郭鳴懸陳其熙王耀初朱佐衡何廣修郭慶餘陳粹英有恒店朱佐綱何子經陳聯記百福堂活嬰所陳佐邦

錫波訪冊

育嬰堂在太平市光緒六年由鄉中善人捐建

伯文訪冊

同善堂在關前墟光緒二十一年紳商募得五千餘兩以爲施醫贈

藥各善舉之用

叔平訪冊

寶善堂在官庄墟

同上

惠嬰堂在關前墟光緒十三年朱品端等募款置業爲收養嬰兒之

清遠縣志

卷十三

慈善

六

用今毀

同上

贊育嬰堂在湯塘墟馮子英等倡建

同上

育嬰堂在龍潭墟

同上

興仁善堂在三坑墟光緒三十二年由朱幹周朱獻臣伍瑞田張吉

浦潘液池張頌南黃菊田江瑞波朱月樓林立泮李獻芬朱愛周林

莫階葉昌甫朱朗山等呈准知縣錢祖蔭建立並置有田租穀三百

餘石以爲施醫贈藥接收女嬰諸善舉基金

丹池訪冊

仁壽醫社在七區興仁市民國後創設贈醫施藥

佑群訪冊

紅十字會民國十三年開辦十四年擴充會務建築會址至十五年六月二十日開幕分設會長副會長幹事隊長醫務長各員聘定中西醫生常駐會內平時則贈醫施藥贈種洋痘一有意外卽行出發如十四年潯江械鬪十六年農匪攻擊民團十七年共匪作亂十八

年粵桂戰爭二十一年焚燒戲棚無不聞風赴救又嘗分設贈醫於三坑山唐上廓各處旋以費絀而截至二十年七月商借西門方便所改爲留醫院刻正努力擴充該會原爲部長制後改會長制旋改委員制二十三年改爲董事制附設之留醫院設院長主持一切歷年皆有徵信錄今改爲會務報告書

見十子會報告書

衛華痲瘋院在對河下水南大沙淹民國二十二年美國牧師衛華蓮在本邑河面設傳光福音船巡迴佈道忽見瘋人跼躄舟中痛苦可憐遂與李灶玲李金陵林社榮等設法購買此地建築聖光禮拜堂于正中暫用木柱板壁建男女住所方便所廚房廁所各一間男女分住不得越界相見是年共收男女二十四人額定五十人爲止凡入院者每人繳交一百元准其終身居住及生養死葬之用有醫生爲之醫治在外者亦爲贈醫全愈者驗明乃准出院以冀減少傳

清遠縣志

卷十二

慈善

七

染院中瘋人每日派米十五兩每月派油十五兩派銅仙五十六枚柴火充足每人畫地一方丈任種蔬菜

瘋院徵信錄

辦法極善計首年進

欸衛牧師自捐四千餘元其餘三千餘元多由美國善士捐助

澤生訪冊

救濟

賑濟局光緒三年四年石角圍堤兩次缺口地方受災甚重四年春間大雨連綿亦多被浸滿澤哀鴻不堪言狀

劉坤一奏摺

督撫捐廉倡賑

諭設平糶局于縣城以布政楊慶麟知府馮端本總其事扎飭愛育

堂紳董陳桂士在省勸捐委同知多齡來縣會同知縣何鸞書邑紳

麥瑞芳倡捐辦賑計省愛育堂共來捐欸三萬八千三百一十兩零

邑中紳商士庶共捐銀一萬二千二百四十五兩零三年十二月先

設西較場三角洲兩粥廠至四年三月改賑米飢每人日米三兩並

設江口江步太平市山塘陂頭石角關前共九廠至六月初留附城

東西岸山塘石角等處至八月止合計共米二萬餘石運脚搭廠米價等共用銀五萬零五百六十兩光緒志所有捐資助賑出力紳商分別請獎奉旨麥瑞芳交部議叙邸抄其進支數目勒碑暨于城隍廟前

女墻下

禹山訪冊

陳起倬清遠賑濟碑記

起倬四川人邑侯

光緒丁丑年燕趙晉豫問歲荒旱大饑皇上發內帑截漕糧增捐例賑之並下責已詔減膳脩與民祈福至戊寅四月甘霖普應民賴以安時東南數省亦多災變粵則東西北三江俱苦水患而清遠尤甚制府劉公坤一中丞張公兆棟上其事于朝率僚屬捐廉俸設平糶局糶米于外洋委愛育堂紳陳觀察桂士委員多司馬齡來縣會同前署令何君鸞書前山東卽墨令麥君瑞芳督紳富勸捐辦賑以方伯楊公慶麟廣州太守馮公端本總其事于丁丑

清遠縣志

卷十二

慈善

八

十二月先設附城東西粥廠至戊寅三月改賑米並設江口江步太平市山塘陂頭石角關前賑廠九處各以官紳分董之計飢民九萬五千餘人至六月初旬裁撤七萬餘人尙留附城之東西岸山塘石角等處極苦飢民二萬二千餘人至八月中旬始停賑先後奉平糶局發米一萬七千石由紳富捐助銀一萬一千九百餘兩斯舉也麥君始請賑繼籌捐繼率子弟門人紳商遍查災區不使一夫失所其勤勞備矣倬于二月間奉委清篆未成行而鄰境之佛岡廳城陷時人心浮動闔境戒嚴大府促倬行于三月初一日抵任凡賑務諸事皆與麥君商之得無悞吁清英之間素多盜以十萬飢民忍死待賑不至揭竿而從賊者謂非賑濟有以固結民心哉今者巨寇平隄工舉早造已登雨暘時若倬守土無狀以飢饉之餘不敢行擾民之政惟有清庶獄戢奸暴祝民和年豐而

已其奉發賑米暨捐支數目由倬稟報立案麥君并擬泐石囑倬
爲序因以不文志之時光緒四年歲次戊寅季秋菊月日廣東知
府用候補知州署清遠縣事蜀西陳起倬謹撰
碑存
籌賑總局光緒十一年乙酉洪水爲災縣屬淹斃男婦九十七名口
塌屋無算災情甚慘知縣羅煒捐款一千元倡賑并諭委賴子鴻邱
顯禧黃崑熊麥穎芳甘濟霖設立籌賑局辦賑各處官紳商民共捐
銀六千三百三十二兩餘另由省城愛育堂香港東華醫院派來洋
米五十餘萬觔又餅干飯焦藥材丸散等項廣爲放賑自五月開賑
至八月止其進支數目詳勒碑記暨于青雲路口該局是年卽裁
乙酉

賑濟
碑記

運濟公所光緒二十九年歲荒米貴知縣錢祖蔭倡捐令飭紳士設
立公所往省運輸米石回邑平糶以救濟貧民時適賣去鳳城別墅

清遠縣志

卷十二

慈善

九

遂借此款及捐款爲基金于是市上始不能壟斷

附城
訪冊

平糶公所民國八年春月設立先是七月上造水災下造旱災以致
饑荒邑人舉紳商麥珩徽何履中爲總副理事陳守仁劉瑞啓朱際
時梁應元杜蔭芬何瑞鸞林威光等爲協理設公所於團保總局內
籌墊基金派員赴省港購米平糶並勸捐共得四千餘元以此奸商
不能抬價壟斷是年七月裁撤尙存餘款三千餘元

平糶
徵信
錄

民國十

五年農團軍提取

附城
訪冊

水災籌賑委員會民國二十二年四月二十七日七月二十二日兩
次水災冲壞基堤田廬無算溺斃人丁一十九口是役以捕迴爲最
而榕樹圍爲最慘計共塌屋一萬二百四間災民三萬九千餘戶四
月廿四日各界提倉捐款趕辦急賑二十七日組織本會由縣政府
商會黨部四區公所爲委員分任各股事務廣州公會丘昭文香港

公會朱汝珍亦設籌賑會分途呼籲得航業公會東華醫院各善團共來賑米一千四百包陸續散放旋由民政廳發來賑欸一萬八千元普益商會東華醫院共來捐助修基銀五萬七千三百一元俱按崩基土方發給其各處緣部捐題計共進銀一萬一千八百四十二元八毫九仙四文議決以六成賑濟塌屋斃命災民以四成補助修築秋攔合共支出銀九千三百二十七元六毫七仙除支尚存銀二千五百一十五元二毫二仙四文奉令全撥墾植會苗圃爲經費會內常務委員朱良卿梁慕陶黃英琦潘子初曾澤生林實初潘志端劉煥章以縣長爲主席籌賑會徵信錄二十四年四月十一日水災冲壞基隄田廬以花塘基受害爲最慘十八日組織本會由縣政府縣黨部參議會商會四區公所爲委員分任各股事務以仁愛善堂發來白米二萬斤趕辦急賑旋由縣府移來中央賑欸三千零八十九元民廳

清遠縣志

卷十二

慈善

一

發來五千元仁愛善堂發來六千元朱汝珍在港募來二千九百八十六元零林五美堂捐來一千元連各處緣部捐題共進銀一萬九千三百一十三元零除支費用及各鄉領賑共用一萬四千八百五十四元零尚存四千四百五十九元零由縣府呈奉民廳批准撥三千四百六十二元零爲平民醫院基金餘九百九十七元零留爲地方急用籌賑會徵信錄

民政

戶口

嘉慶二十三年清遠丁口一十三萬七千四十六

史府志

宣統二年籌備選舉調查戶籍清遠丁口共七十萬一千餘

述之訪冊

民國十九年調查戶口計清遠戶十二萬八千九百丁口六十八萬

八千七百九十

縣政府公佈表佑永訪冊

民國二十四年調查戶口清遠計戶八萬七千六百四十三丁口五

十二萬七千八百二十一 縣政府自治科檔冊

謹按古者人丁俱有賦役唐為庸調 見唐書 明代以戶計曰里甲以

丁計曰徭差丁賦與田賦分而為二與徭役分而為三萬歷一條

鞭法行里甲均徭始與兩稅為一天崇間其制盡紊順治初乃詔

行之 陽江志 然雖統征而年年仍造丁冊所有丁口必納徭役民壯

均平鹽課各項銀兩 賦役全書 康熙五十二年奉旨自後滋生人丁永

不加賦即以五十年丁冊為底尋且攤入地稅之內於是貧民始

不知丁糧為何物五十三年又准就畝攤糧自後滋生者無賦民

丁突增乾隆三十七年奉旨編審丁數不入賦役全書另行冊報

五十八年巡撫陳輝祖奏稱冊報丁數不實上諭云人口繁庶即

細查亦不能無漏且恐吏胥滋擾更非安輯閭閻之道 王慶雲石渠餘論

且謂舊例恐有漏戶避差之弊是以五年查編造冊今丁銀既皆

清遠縣志 卷十三 戶口

攤入地糧而滋生人丁又遵旨永不加賦則五年編審不過沿襲

虛文無裨實政著永停編冊 東華錄 吾邑人丁以咸豐年匪亂損失

最慘據白樸石所載濱屬各鄉死人四成半 見紅匪紀畧 同治以後休

養生息人口復蕃光緒十四年編造丁冊濱屬仍有十五萬餘較

嘉慶年增五倍以上以有限土地養激增人丁苟不設法開源實

有人滿之患但登耗之數各處不同如陽江縣以宣統較嘉慶增

五成半 陽江志云原二十萬餘今增十七萬餘 順德縣以宣統較道光增三成餘 順德志

續志云原一百零三萬餘 開平縣以宣統較嘉慶增八倍 開平志云丁口四

舊多八倍 東莞縣以宣統比嘉慶增一倍餘 東莞縣志云現丁

六萬四 丁十 惟番禺縣以民國二年較宣統增三之一有奇 番禺志

年調查查共丁口九十九萬六千餘越三 此則斷非確數吾邑丁冊

不全 屬捕均佚 然就濱江論 光緒十四年濱屬共十五萬一千二百

國十九年共十七萬七千八百人

但據十九年調查冊全縣丁口為六十八萬八千餘而二十四年調查冊則為五十二萬七千餘三年之間相差至此則調查亦未必確實矣即墨縣志以丁口分注各村之下香山續志且詳各村氏族之遷徙各姓丁口之數目其例甚善今酌列於區鄉此祇錄其總數焉

民政 宗教

邑人信仰之宗教以神道教為主即儒釋道三教混合也觀於各鄉廟宇各處道巫皆混合道佛人民幼讀儒書而其家中安奉者則觀音菩薩玄冥上帝華光火神關公及祖先等為多其為三教混合可知至專奉釋迦者有寺邑中寺宇近存三數間耳專奉道教者則有太和藏霞錦霞飛霞明霞天華玄真諸道觀而飛霞洞則有三教殿自光緒中始有耶穌教徒建福音堂於東門街隨而太平市

清遠縣志

卷十二

宗教

二

龍塘墟洲心墟

光緒十年

源潭墟

光緒三十年

皆有之近日城內南門街

民國初年

署前街有福音堂上郭有神召會

民國十六年

下郭有巴陵會

光緒十年

高岡

有浸信會

民國初年

大觀街有天主堂

民國十年

然入教者不多濱滸二屬

且無教堂也

附城各鄉訪冊

謹按戰國時九流學說百氏爭鳴漢武帝表章六經罷黜百家至是始定一尊其後雖有佛老諸說然於政教絕無影響明末天主耶穌始入中國屢禁屢弛然吾邑人民少讀儒書皆屬儒教而道教之上帝史記封神書云越巫釋迦之菩薩續譯名義云菩提薩亦皆奉之其信仰耶穌天主教者究居少數今東莞番禺順德各縣志皆以建築為重列教堂於建置吾邑建造無多故錄其概畧於民政焉

民政 社會

清遠社會在城內今廢馬山冊訪清遠向無社會自雍正三年始各紳民

士庶勸捐每屬設立社正副管理因未建倉穀石暫貯社正副之家

列冊報案其穀有已交有未交出光緒志通縣捐積社穀四千八百六

十六石六斗五升各社正副分貯出納張府志清遠倉貯穀五千一百

七十七石六斗五升郝通志清遠社倉穀九千四百七十三石三斗五

升五合一勺阮通志

雍正十年知縣夏崇謹捐建二座另歸併衛倉三座額貯各年各案

捐積穀一萬二千一百石光緒志引舊志

捕屬社倉迴屬社倉光緒志

滙江社會在司署左德盛店舖地均係故址日久值事吞沒後經上

控值事繳回銀四千餘兩解繳藩庫咸豐初年藩司尚有文扎飭紳

耆往領至丁巳藩庫毀於夷此項乃失同上

清遠縣志

卷十二

社會

三

光緒志云謹按咸豐四年亂後各倉貯已經全燬

四屬義倉在學宮背後光緒七年知縣羅璋倡建碑記冊訪

蘇梯雲闔邑創建義倉碑記梯雲南海人舉人任山長

義倉之設由來舊矣自漢耿壽昌倣李悝平糶法令邊郡築倉實

穀減價以利民隋長孫平因之而義倉之名以立厥後宋朱子建

設社倉隨時歛散倉穀遇荒蠲息賑貸此皆儲其備於無事之日

而收其效於有事之時法誠善也第地有肥瘠勢有緩急則挹注

之難易亦各自不同是在乎良司牧之審端用力耳清邑山環水

抱地雖廣漠而沃壤無多遇有扎荒屢煩籌策先是光緒丁丑邑

之西南隅石角大隄潰缺居民轉徙待哺嗷嗷幸而當道列公暨

省之愛育堂善士極力賑撫始奠安全歲己卯玉珊羅明府蒞任

中宿承凋敝之後謀休息之方首則靖盜匪以安閭閻繼則修壇

壇以崇祈報由是安旋人興文教惠民實政次第舉行而所注意者尤在建設義倉以備緩急爰商之在籍紳士麥君雪畦朱君晴巖兩司馬僉謂粟以指困而不匱裘以集腋而可成邑侯首先捐廉爲之倡始而邑中善信源源伙助集金得一萬四千有奇用是鳩工庀材於文廟後隙地一區構東西兩廡各數楹爲貯穀之所材則務取其樸費則盡節其糜落成後買穀一萬零九百一十三石儲之至是而凶荒始有備焉是役也經始於辛巳之秋告成於壬午之歲迨乙酉夏爲時甫屆三載而北江陡漲待拯者又數十萬災黎矣北江每逢水潦陂障在在堪虞本年五月初旬大雨傾盆江水驟長川谷浸淫民房倒塌以萬計傷心慘目更不堪言侯卽立命開倉先行散放復率同官捐集重款而邑紳賴漸遠學博暨諸君廣勸四屬捐助一律普賑饑民藉以不死事葺買穀還倉

計此次災區甚廣受害者不獨清民省中大憲委員到處勘災札同愛育善堂東華醫院運米協濟窮檐均有再生之慶而清邑被害尤酷若非倉儲素豫迅速發棠安知數十萬災黎皆能忍饑仰息不相攘奪以待肉骨而生死之乎則信乎有備無患愈知義倉之建之大有造於清民也侯尹茲土於今七年矣蒞任最久而遺愛亦最深昔宋臣富弼知青州時會河朔京東大水勸所部豐稔者出粟儲以官廩散給窮黎全活饑民無算後官至中書門下平章事封韓國公壽八十餘知厚德獲報其理不爽侯以卓異荷蒙當道薦舉天語褒嘉現將調任海陽不日慶喬遷據偉畧業隆鐘鼎名炳旂常拭目可俟矣梯雲謬叨官紳延講茲邑書院前後四載目擊口碑載道實惠在民而在事諸公亦均能仰體侯意矢公矢慎成允成功此又不禁眉舞色飛與闔邑慶幸於無窮而樂爲

之覲述者也筆墨謏陋夫復奚辭時光緒乙酉仲冬朔旦癸酉科鄉進士揀選知縣南海蘇梯雲月樵氏頓首拜撰

碑存
義倉

恭頌羅邑侯玉珊倡建義倉德政記
侯籍廣昌領咸豐己未恩科本省鄉薦越同治辛未計偕謁選籤分東粵赴東需次己卯來宰是邦時邑承丁丑水災之後閭閻困苦生計蕭條盜寇充斥廬聚東河一帶白晝搶掠侯抵任簡獄訟與民休息分諭紳士設團局會同營員按鄉搜捕草薶禽獮渠魁以次授首終侯之任閭里敕安蓋去其爲民害者而民乃得安堵也由是而教訓生聚之經次第舉矣先是邑東南離城四里許有爛底狗洲近數十年始積成坦寺僧與村民鷓蚌控奉行省檄行召佃侯以洲坦地請撥歸書院報曰可士林嘖嘖稱之然侯所致力意者尤在義倉一舉清遠地廣土瘠兩河之間率皆斥鹵向來米

清遠縣志

卷十二

社倉

一五

食不敷專恃鄰封挹注一遇凶歲米艘不前枵腹立待侯之會商在籍紳士麥君雪畦朱君晴巖兩司馬建置義倉議可侯首捐廉倡鳩工庀材構東西廡各數楹權輿於辛巳之秋落成於壬午之歲集金一萬四千二百一十兩儲穀一萬零九百一十三石蓋至是而凶荒始有備焉乙酉夏五月滂沱大雨北江水漲丈餘民房倒塌以萬間計冲决基堤無算侯命開倉先行散放繼率同官倡捐重欵以賴學博漸達諸君肩其任四屬勸捐一律普賑災民得以不死事葺買穀還倉嗟乎如侯者亦足多矣迴憶仲夏之初江水陡漲巨浪滔天災民遷徙高阜日炙雨淋聲泪俱下雖其後大吏委員來邑勘災札同愛育善堂東華醫院運米協賑災黎有再生之慶嚮非倉儲素豫迅速發棠俾延殘喘吾恐十萬災黎已先期展轉溝壑誰復起肉骨而生之信乎有備無患愈知義倉之建

之大有益於我清也侯尹茲土先後二五載其中如修壇壝廟以崇報本建義祀祠以妥幽魂培補石角大堤以堅保障一切惠政尤難翮縷當癸未甲申之際越事方興詔中外大臣薦舉人材當道以侯應天語褒嘉備極榮寵以視世之一行作吏祇顧宦囊肥瘠而於民之肥瘠漠不關心者不亦大相逕庭哉今冬代者將至侯調海陽行有日矣合邑士民不忘遺愛爰述梗概壽之貞珉以備輶軒之採焉光緒十一年十二月吉日闔邑士民謹紀

碑存義倉

義倉善後章程刻列 一議管理義倉值事應由捕濱潛迴四屬每屬選舉公正殷諳紳士一人共四人各管理一年共四年爲一輪遞年遇有應辦出陳入新及晒晾一切事宜須會齊四紳公同商定稟請官示辦理四年期滿於第四年十二月內稟官批准更換所有遴派值理事宜卽以光緒十二年爲始每年定期二月初

清遠縣志

卷十三

社倉

一六

三日核算清楚交代任由當年值理秉公盤查如有虧空挪移稟官查追其四年期滿更換值理時卽將上屆值理有無虧空挪移據實具結稟報以防舞弊並將一年收支生息現存數目逐款列明標貼義倉公所另騰一紙分貼文昌廟衆人屬目之地俾人人共悉以杜虛冒其本屆派過值理須隔兩屆方能再派管理以防流弊倘該屬值理或有事故未及經理卽由該屬正紳另行選舉一人稟明本縣照常辦理毋得變遷以垂久遠 一議看守義倉工伴應由四屬值事隨時酌請受人典守外人不得干預其工食多寡亦由值事秉公酌給毋得偏私以昭公道 一議義倉係爲合邑備災防患起見雖由邑紳建造實本官命舉行必須稟明本縣立案卽將遞年收支生息銀兩若干及買穀數目等項造冊兩本其一本於每年十二月內由當年值事呈繳本縣查核一存值

事以便稽查而昭慎重 一議義倉當以貯穀爲主不可徒蓄錢銀以避侵蝕而防急猝抑或除貯穀外尚有盈餘銀兩應隨時將餘銀置業以圖出息而致遠大亦無不可但必須稟明本縣備案以防流弊 一議貯穀南方卑濕蓄儲易滋朽蠹必須出陳入新今擬仿照佛岡義倉定以一年一換每年二三四五月察看時價若何由值事隨時稟官酌量發糶並將糶價銀數列單稟明惟出糶之時宜儲一半以備糶後恐遇時荒得以應用但必須稟明本縣然後舉行庶官紳得以互相鈐制免滋流弊 一議義倉所儲原以備荒不得因偶有小歉便爲耗散致無實濟又不得以別項公務輒移他用倘有大災無論何屬所遭必須週知衆紳商妥稟官出示然後施賑亦不得全數散盡致倉空虛 一議遞年買穀還倉宜以冬穀爲上早穀次之誠以早穀不及冬穀能耐積儲不變也固不可買外江穀亦不可買油粘穀蓋外江穀恐易壞油粘穀嫌太精皆非備荒良策也 一議買穀還倉之時或遇穀價騰貴難以採買且恐貴買賤沽致貽虧損擬欲變通辦理留俟來年然後採糶宜將糶穀銀兩或議暫交當舖殷實舖店生息是亦一道惟要知會紳董公同酌妥方可舉行仍須隨時稟官以防貽悞

一議義倉必須封鎖俾免疎虞凡遇封倉宜知會紳董到倉看過即用三學公章蓋給封皮填明某倉貯穀若干數目先行封好卽持值事帖進署稟請本縣封皮再加封固其遞年晒晾倉穀亦宜照此辦理其各倉鎖匙統交值事管理毋得假手於人以昭慎重而圖久遠 一議義倉章程有應隨時變通者必須公衆酌妥簽允方可舉行並將改訂增刪事由稟明本縣詳記於冊以備存查不得妄逞游談以維大局 一議義倉原存穀一萬零九百一

十三石五斗因本年四月內發糶及遇五月縣屬三水災糶用無存共糶存銀並歲收雜欸及撥欸共銀六千七百三十七兩五錢五分八厘交本年值事暫行存放俟本年晚稻登場即行稟官將此銀買穀還倉不得延悞 並將義倉現置產業列后 一由本縣撥收源潭煙行每年應收秤租銀三百大員重二百一十兩

此租

於光緒十三年訂立合同分與源潭局銀一百三十元又分與該烟行代收秤租工銀二十元義倉實得租銀一百五十元

一由本縣撥收羅坑租田三十二坵種子七石二斗二升每年應收額租六十一石碼秤 一現買山塘蘇公洲田地一大所種子八十餘石每年應收額租銀一百七十五兩 一現買崗頭溝邊村土名岡尾園地一坵種子二石冷仔口白田一坵種子一斗五升牛路白田一坵種子一斗五升每年應收上期租銀十兩正

碑存

義倉

清遠縣志

卷十三

社會

一八

四屬義倉東西兩廩初建時以一次過丁捐義捐為基本額定儲穀十二萬當時共買舖業九間田產四柱至今年租千餘元光緒季年屢挪倉欸辦學以致未能生息溢利民國以後所有倉欸混合地方欸內逐年支清存欸無幾

澤山訪册

民國三年廣陽綏靖處呈請省行政公署規復義倉通令設法籌欸買補還倉延未舉行尋疊奉國民政府部令飭行本縣整頓義倉以為救濟災歉至少足供貧民三個月糧食之用應由團體籌辦十一年省長公署通令每糧串一張附加倉捐銀二分十九年三月奉財政廳通令各縣糧稅改為統一徵收以八成為正稅以二成為地方欸其倉捐由地方欸內提百分之四三小數按月列册呈報財廳迨是年九月則飭令歸縣管理計至二十三年十二月札實現存倉穀四百二十八石毫銀一千一百六十四元一毫三仙八文

縣政府
檔册

濱江義倉初在珠坑巡司署側之文廟

濱江雲橋社學碑記

光緒十九年由鄭

馨祜陳謨黎景聰黃紹香等遷出縣城內鳳凰街雲橋書院內間格穀倉捐欸儲穀以爲備荒之用當時計共倉本二千五百元近因移作緝捕經費欸已無存

濱江各鄉訪冊

劉汝霖告示碑

汝霖江蘇人進士邑侯

補用同知直隸州署理清遠縣事特授東莞縣正堂加十級紀錄十次劉爲出示曉諭事現據濱屬紳士陳謨鄭馨祜等稟稱光緒七年奉羅前憲諭倡辦民捐義倉遵卽四屬合力籌款在於邑城文廟背後建造倉廩二座當卽捐欸買業生息儲穀備荒業經稟明通詳立案現蒙仁憲以濱滙地方遼遠須更添設義倉庶克有備無患等因奉此紳等復卽設法先派屬內各局共捐銀一千員有奇因擇地建倉苦無合宜地步且恐破費太多是以就在邑城

清遠縣志

卷十二

社倉

一九

濱江雲橋書舍後座改作倉廩俾卽趕緊儲穀現已買備冬穀一千石亦經仁憲會同委員親詣履勘委係的實稟覆大憲在案惟穀僅千石不過肇端仍當鼓舞再捐方能厚積長久以慰憲懷無奈四鄉無知以爲濱屬之倉旣另設則前時公同共建之倉或致日久失宗反無份值等語此雖鄉人之見然亦思慮深長况旣有詞不無觀望因念仁憲慈和普濟分土未必分民體察周詳宜彼須求宜此理合據情轉稟伏乞俯賜出示聲明濱屬之倉乃係自己加設而邑城前建義倉乃係四屬集捐遇有凶荒仍當分撥該倉普濟俾照勒石以垂永久並照抄貼徧爲曉諭庶來歷同昭輿情胥愜等情據此當批所稟尙屬可行准卽出示曉諭藉資鼓舞該紳等仍當廣爲勸捐仍隨時買補以實倉儲是爲至要切切在稟除揭示外合行出示曉諭爲此示仰濱屬軍民人等知悉此次

建立倉廩乃係濱屬自捐加設而邑城共建之倉遇有災荒仍當分撥接濟不致稍涉偏枯爾等務須踴躍捐助買業儲倉以備不虞毋稍觀望稽延本縣有厚望焉各宜遵照毋違特示光緒十九年十二月日實貼濱江義倉曉諭

碑存雲橋書院

公和鄉義倉在水西村民國二年附貢生李炳煌等建立

鄉公所訪冊

民政社會

寶興會在學宮內明正德間紳士鍾聲宏白華等八人釀資為會以資助士子之應試者白榮為序紀其始末刻碑於明倫堂右明末燬

中宿文獻錄

集雅堂詩社在瑞峰明正嘉間邑中士子每於瑞峯聯社唱和粵自倫梁大魁後群皆觀感而興知縣張欽倡建集雅堂定月課之法故風雅士更萃集焉時宿儒白榮主持壇坫刻社中之作為鳳台詩選

清遠縣志

卷十三

社會

二

何維柏撰詩選序

禹山詩社康熙間夏雲白之昱等設立

中宿文獻錄

道咸間歐應如黃世

鉦等又聯結泐江詩社於瑞峯唱和其間尋有外縣士人加入改為

湏江詩社

劍花詩集

詩會對會乾嘉道咸時世界太平各鄉每有詩會對會由會出題令

人吟詩作對分等賞給紙筆各物吾鄉對會設於北社壇旬日一會

雖農夫野老亦樂為之

職思居文稿

念書會雍乾間岐塘鄉殷戶聯合捐款置田生息定於每年九月召集各鄉子弟到會念書如能背誦五經者為甲等背誦四書者為乙等年幼而背誦一經者為丙等分別賞給長衫靴帽次亦鞋襪筆扇不論本鄉外鄉均可到念意至善也

濱江訪冊

忠義孝弟社雍正二年奉命設立

光緒志引舊志

萬福會光緒初因長洞昆營爲全江孔道而木橋頻年拆換籌款維艱於是江廣朝白齊芳江兆堃等數十人釀資聯爲此會置業生息以備修橋之需

長洞鄉訪冊

守成會光緒乙未紳士黎景聰等倡建珠坑青雲橋恐日久失修於是朱子貞等一百四十三人釀資聯爲此會生息以備修費

珠坑訪冊

育嬰會光緒初黃叢光捐產倡建育嬰堂於龍頸惟是款項不敷於是紳商朱盛平鄭英展鄭英煥白齊芳等聯合數十人釀金聯爲此會以助堂款之不足

屯步鄉訪冊

丹桂社光緒初紳士黃崑熊等組織釀資置業收息僱工執拾字紙春秋聯祭倉沮字祖廟故又名敬惜字紙會

丹桂社進支數簿

三學公所卽前者明倫堂當明制度凡屬庠生不能司理文廟財產乃定由四屬輪年推舉監生之殷實者一人爲值理司文廟收支各

清遠縣志

卷十二

社會

二二

事名曰三學公所每年送鞋金一兩祭祀日送胙肉二斤以酌其勞而已民國三年因有游擊隊經費改定章程四屬各舉一人輪理一年每年支薪水百二十元六年知事程先進將該值理委任爲游擊隊軍需長加年薪至二百四十元該軍需長統理警隊餉糈因此而特務隊不敷之餉年約數百元遂牽連三學之款矣七年裁軍需長改爲地方公款管理員年薪百二十元由此至十八年裁改爲地方公款管理委員會

分鄉訪冊

清遠縣商會光緒三十四年成立名曰清遠縣商務分會內設總理一員協理二員董事十五員俱由商民選舉其總理則呈由北京農商部委任民國四年改爲清遠縣商會設會長一員副會長一員董事二十四員民國十八年奉令改委員制設執行委員十五員互選常務五人互推一人爲主席又設監察委員七人互推一人爲常務

研究教育會光緒三十四年紳士黃紹香廖明良邱作灃等聯合塾師組織此會以爲研究教科恭祝孔聖之用每會員醖資五元購置東門街會所一間並買田租十餘石以爲經費

樂生
訪册

清遠戒烟會光緒三十三年設立內設會長一員以各機關紳士爲會員以南門口官廳背後攤館年租五百元爲經費製造丸藥勸人戒烟宣統三年裁

秀文
訪册

國民團體會民國元年由各界組織每會員各科基本金一元共約千餘人二年解散尙存會款數百元撥入方便所

錫波
訪册

體育會民國初年由四屬學校濱江捕屬一初各校聯合組織七年李督辦根源發起運動會於韶州該會員生得有優獎於是李督辦乃領興史署捐送爲體育會場近年改組爲體育委員會

贊容
訪册

清遠縣志

卷十二

社會

二三

私塾改良會民國初年由單級師範講習所畢業各生組織爲磋商

改良教育之用

廉一
訪册

縣教育會於民國二年四月由邑中學界人士組織成立入會者人納基金一元呈准提撥飛來峽繒排八步租每年租銀約二百元增減無定又猪行秤積每年租銀五十元後因招商投承猪行公秤租額增加將各機關團體所佔租秤份值從新支配縣教育會佔秤租總額二十份之一每年約得租銀二百元初設會長一人執行會務十七年改委員制設執行委員五人二十年奉國民政府公佈教育會法改組設幹事七人候補幹事三人由會員大會選舉之並由各幹事互推一人爲常務幹事執行日常事務又依法組織區教育會成立興靖區教育會迴岐區教育會濱江區教育會濠江區教育會各設幹事五人候補幹事二人由會員大會選舉之並由各幹事互

推一人爲常務幹事執行日常事務縣教育會以區教育會爲會員由各區選舉代表二人出席會員大會區教育會以各個會員爲會員由各會員出席會員大會

附城訪册

學校植樹聯合會民國三年奉令以清明日爲植樹節屆時各校員生各界人民必須植樹四年設立此會以爲聯合舉行典禮之用十年十一年各界聯合植樹於飛來寺左右並呈准以峽山爲全縣模範公林不准斬伐

吉暉訪册

青年維德分會救傷隊民國八年潘銘心等初設立於福音堂九年粵桂軍交戰幫統穩玉廷令改爲臨時醫院九月二十三日粵軍張國貞在對河炮攻縣城潘銘心卽偕紳商奔走調和停戰十三年遷出牌坊脚於是加入會員日多適粵軍第一師李濟深與桂軍沈鴻英戰北軍李如琢之第九旅又參加交戰於虎坳因設臨時病院於

清遠縣志

卷十二

社會

一三

北帝廟留醫數百傷兵十三年十一月滇軍商團衝突該隊亦出任調和地方不致糜爛邑人稱之遂改組爲紅十字會

朱業材報告書

清遠縣農會民國八年奉令設立知事張鑑藻詳准由三學撥年款二百元爲經費設會長副會長各一人各法團皆爲當然會員

穎吾訪册

四屬聯合會民國九年夏各紳以保衛團總局董事八員俱由官委任邑中各事無不挾持甚有欲提義倉基金借充軍餉者故老成之士承改組總局之際議減保衛團董事爲四員薦請官委另行組織聯合會定董事爲四員不受委任各屬贊成因成立此會十年冬縣

議會開幕卽議裁之

碧池訪册

各界維持名勝會民國九年呈准設立飛來古寺爲清遠名勝之區其中數千年之古跡關於吾邑文化甚大亟應維持李督辦根源見近日寺院荒涼無人維護令縣知事張鑒藻召集紳商學界何履中

梁應元麥瑛徽等會議決定聯合各界組織此會爲永遠維持名勝保全風景機關卽定名爲維持名勝協會內設總理一員協理二員常務理事十員由紳學商界分舉充任縣屬各界各團體各機關以至各鄉辦事人員俱爲當然會員蓋集合全邑人共同負責也二十年奉令改組委員制於是定名爲清遠縣各界維持名勝委員會仍以各界辦事人爲當然會員內設委員三十八名常務委員十一名二十一年冬奉縣政府令派教育局長爲委員當卽決定推舉教育局長爲主席永爲定制

初訪冊

市政改良促進會民國十一年縣委董事九人督促改良市政拓展街道建築街市諸事每人一次輿馬費五十元

澤仁訪冊

慈善救火會民國十二年創設於商會內初購滅火機一架用艇裝載以便吸水民國十五年再購一機十九年見用艇裝載遲鈍乃裝

清遠縣志

卷十三

社會

一四

置電輪船一艘以期敏捷二十一年以各店臨時派伴究無專責乃募集消防隊十二名並建會所辦公二十二年又購輕便陸機一架便入橫街小巷其經費由各店抽租捐一月主客各半及集均益日會充之內分稽核購置財務糾查交際各股並聘醫務主任消防顧問

問機務主任等職

救火會報

中山公園委員會民國十三年創建公園當時有建築公園委員會十四年改組爲公園管理委員會以戲院租爲經費內設委員七名十九年解散

子初訪冊

二十五年復由各機關舉代表組織之

民意報

商團民國初年廣州設有商團軍保護商場甚爲得力十年清遠附城組織六十名由各商民自備槍械日事操練旋擴充至四百餘名下郭爲第一團第二團上郭城內共爲第三團而源潭太平市各墟亦相繼設置十二年因與滇軍衝突致被繳械而散

子亨訪冊

商民協會民國十五年始創本縣設於上郭仁愛善堂內設執行委員五名監察委員三人均互推主席一人至十八年奉裁

麗山
設册

農民協會民國十三年本縣石板鄉人首先設立縣長廖百芳扶植之勢燄遂熾此時共黨主持派員前來訓練農民自衛軍繳奪民團餉械日以階級鬪爭爲事挾制田主勒索商民私設非刑任意拷打私鑄鎗械招集匪徒以奪取政權爲口號日日巡行威逼政府縣長俯首應命路人不敢正視奸黠結爲黨援鄉人群相效尤不半年而遍設於周塘太平市三坑高田石角洲心源潭珠坑河洞各處皆有區協會並組織縣協會於學宮不一年增加會員至數千人共有槍械七八百枝十五年冬擬組織蘇維埃政府當十六年四月清黨之際農匪率槍四百餘欲洗劫清遠縣城繼見民團監視止搶電報局聞宣撫委員率軍來邑知難抵抗遂偕左派往韶州旋從湘軍入贛

清遠縣志

卷十二

社會

一五

十一月初十日復有農匪數百人攻入縣城繳去游擊隊槍枝幸商民警衛隊已成立得謝家齊潘伯良等攻走之縣城不致糜爛該協會乃解散

各鄉
訪册

婦女協會民國十三年設立於黨部內當時凡有欲離婚者皆可到會處理其勢以此數年爲最大

紫清
訪册

香港罷工委員會民國十四年廣州各界因上海紗廠之事聯合巡行以爲聲援行至沙基被英人槍擊死傷甚多激成香港大罷工之舉廣州設委員會收養工人數萬本縣各工人回邑亦要求設會於南門口菜市內設執行委員糾察隊等由街坊抽租捐及支公欸供

給明道
訪册

摧殘農民善後委員會民國十五年十二月農匪黃文龍何南等勾結湘軍來縣誣稱民團摧殘農民逼勒各機關組織此會設執行委

員勒罰天祥押天源押各四千元又強封李宅伍宅房屋並抄劉團長家產名爲撫卹各農民實則入共黨私囊所有民團董事俱皆通緝罰欸幸四月清黨共黨農匪入贛乃解散

附城濱屬咸秦訪册

建築清銀公路籌備委員會民國十六年設立委員十人計共

集股十二萬千員共籌路十里至 年 月減爲委員

人 年 月改組爲董事會

仲緯訪册

教育經費管理委員會民國十八年組織委員名專理縣立各校

經費二十年奉令地方欸項俱歸縣政府財政局於是解散至二十

三年夏又復組織內委員五名經理一名會內每月經費十元

附城訪册

地方公欸管理委員會民國十八年因裁縣事會無人專責乃組織

此會專理三學各公鄉事宜縣委委員人經理一人至二十年奉

清遠縣志

卷十二

社會

二六

令地方公欸一律交縣政府主理於是各財產契卷盡行移交縣政

府訪册

平民教育委員會於民國十八年由縣黨部組織成立設有委員九人以縣黨部執監委員爲當然委員另函聘一員以足九人之數在南河花捐附加每局二毫所得經費初設平民半夜學校四間教育年長失學貧民其後收入減少校數亦因而酌減二十年改爲民衆識字運動委員會並在南門花艇每艘每晚收銀二毫所得經費卽在南河僱一大艇籌辦民衆識字學校一間聘用女教員專收河面艇戶年長失學婦女教以識字俾易謀生翌年停辦至二十四年三月花捐附加與艇捐均一律取銷該委員會亦同時裁撤第一區黨部亦設有民衆識字運動委員會舉辦民衆識字學校一間至二十

三年停辦

附城訪册

縣建築公路委員會民國十九年五月組織成立委員十一人共經費七千餘元二十年九月改組委員十五人共經費八萬餘元二十三年七月改組委員六人共經費一萬一千餘元書記幹事股長在內清英公路管理處費用九百餘元清三公路管理測量處費用一千一百餘元二十四年五月改爲清遠縣政府整理公路辦事處清理委員五人計收入田畝路股款四十一萬七千五百二十六元餘抵工路股款七萬七千三百七十五元餘商場路股款七萬五千八百五十五元餘舖租路股款二萬六千五百三十八元餘合共收入五十九萬七千二百九十四元餘計築清陽公路一百五十餘里建築費四十六萬六千五百一十一元餘清四公路四十五里建築費一十二萬八千五百七十三元餘清滙花佛公路八十餘里建築費一十五萬三千九百五十三元餘合共支出七十四萬九千零三十

清遠縣志

卷十三

社會

二七

七元餘收支比對實尙欠工金支付票三萬七千元連各墊借各工程各職員共二十五萬一千七百四十三元餘決定由路租項下逐

年清償

公路處
檔册

社會教育委員會民國二十年駐防旅長李潔芝發起聯合各界組織附設於商會初欲演劇籌款以爲經費因火燒戲棚致無收入且

李調省遂解散

澤生
訪册

三江公產整理委員會民國二十一年因該公產日久失額故組織此會委員七人欲將該產投變卒之僅得許宅領去一首其餘無人

過問二十二年解散

縣政府
檔册

拆城委員會民國十九年蹇秉淵令十一機關組織拆城會而未舉行黨部劉煥章條陳請拆二十年九月余超卽委煥章爲拆城專員月薪五十元尋組委員會縣府派員爲主席月薪三十五元委員四

名每人月薪十五元總務財政工程三股長每人月薪三十五元幹事三名月薪四十元技士二名月薪六十元書記一名月薪四十元錄事一名月薪三十元什役一名月薪十六元每月共支五百二十六元另活支數十元二十一年四月改名稱爲拆城建設委員會每月經費約六百元在拆下城磚變賣支銷二十二年夏因多人控訴奉令解散縣政府 檔册惟所拆城磚百餘萬變賣之款除借縣黨部一千元日報社六百元外一概支清聯城鄉 訪册

縣墾植委員會民國二十一年十一月吳縣長鳳聲設立即以提倡農林供給種籽爲宗旨由縣府聘任委員二十人均當義務互推七人爲常務內分總務設計財政宣傳調查五股附設參議會內管理苗圃林場各事宜業富 訪册二十四年奉令改組爲林業促進委員會民樂

清遠縣志

卷十三

社會

二八

儲糧委員會民國二十二年奉令儲蓄糧食由縣委任組織此會委員九名即將義倉之款買穀四百餘石儲在義倉縣政府 檔册

中醫公會民國十二年組織內設會長副會長值理等職費由醫生年捐給之旋停二十四年十月復行組織內設董事七人卓榮 訪册

醫師公會民國十六年由中西醫生組織內設執行委員五人後改爲董事經費由醫生捐給公會 訪册

國醫館前者國醫久被壓抑凡中醫學校要改研究所或研究社不准用學校之名近來中央政府見中醫日衰即藥物一途中漏卮數千萬故由內務部頒令各省市縣設立國醫館由地方公款補助經費使各醫生研究醫學發揚而光大之不惟抵制漏卮且亦保存國粹二十二年清遠遵設國醫館吳縣長鳳聲發開辦費一百元並准由地方公款每月撥助經費一百元內設館長一人副館長一人

董事十一人 國醫館報告

婦女提倡國貨會民國二十一年成立由地方公款每月補助經費

二十元 縣政府檔案

合作社民國二十二年民政廳派委指導員三人前來指導每月薪

水公費共一百五十元在地方公款支給 縣政府檔案

東河圍董會民國二十四年十月奉治河處令組織其中董事十一

人內推主席一人均當義務管理小市至大燕一帶基圍擬抽畝捐

為經費 劉心泉張仲賢訪册

各行工會清遠前清時米行西家設有萬福堂即今日工會也咸豐四年七年十年紅匪擾亂三十六市米行工人屢隨官軍剿平亂匪克復城池大憲獎給功牌各皆辭謝後由督撫給款建立米行義勇祠於城隍街龍塘墟石角墟等處以報功德此工會之最著而功在

清遠縣志

卷十三

社會

二九

國家者也 藍仲山訪册

民國十一年廣州市各行遍設工會內設執行委員監察委員糾察隊長等職邑人效之十三年後陸續組織計有理

髮鏢木茶笋藥材裝船皮鞋土木建築竹木排航業染布屠行油糖

酒米刨烟缸瓦新衣故衣蘇杭等共二十餘工會另有廣東總工會北江辦事處設在上廓惟各行相類之會時有糾紛如土木建築工

會與土木石研究社同行因收會費互爭時常械鬪蓋當時省黨部為共黨入寇省市既有廣東總工會又設廣東工人代表大會常挑

撥階級鬪爭廣州市內且有焚燒之舉幸機器工會及研究社員深

明大義力助政府清黨乃免赤色恐怖 慕韶訪册 政府乃勒令各工會一

律解散改組為同業工會其真正屬於工作者始准設立今有理髮

工會土木建築工會皆二十一年立案至屠行燒臘工會鏢木工會

則至今仍未批准 縣政府檔案

各行同業公會民國十六年中央政府解散各工會十九年頒布同業公會法使商民工人共同組織令其互助以免階級鬭爭國民日報奉

令組織者今計附城有酒米業茶笋油糖業藥材業菸絲業屠業棉花業炮竹紙料業布疋染料業造船業金銀首飾業旅店業故衣業

缸瓦業新衣業杉木業鞋業菓餅業共一十七行同業公會皆是二十年立案另源潭鎮有菸葉業杉木業蘇杭布疋業油米業藥材業

共五同業公會皆二十三年立案縣政府檔册

各行公所吾國人民素有團體即在異鄉外埠亦設會館以聯絡感情且一族有房一里有社一村有保約一鄉有社學一街有坊廟甚至一行亦有公所此皆設於百年前而成效卓著者也馬山訪册清遠城

以米行爲大有中和公所每月飭令米店各攜米斗到公所拈鬮互換以免私製小斛貽害閭閻故樂意捐輸建此公所於南門街附城訪册

清遠縣志

卷十二

社會

三

至航業以濱江石馬船爲多常受釐局關員勒詐各埠土惡欺凌故光緒初年組織遠安堂於下郭設一庶務員以收各船佣費聯絡團體以圖自衛故各船商皆樂助之建有會所於下郭濱江訪册近來杉行又組織永義堂建會所於城內大街他如藥材行有壽世堂茶笋行有公信堂其餘各業無不有行焉附城訪册

城隍祀典會康熙間四屬紳士數十人每捐本銀五兩聯爲此會買業收租除祭祀域隍之外餘則獎給會友子孫讀書進庠之花紅以各會友皆邑中紳士故稱之曰紳衿會又有城祖興會性質亦同近以神權會項充公該會產業亦分散矣各鄉訪册

各種神誕會附城各鄉皆有之其有租息除祭祀外以年節均分貧者每賴會欸以濟困平日由殷戶司理揭放生息當四鄉開耕之際每向此會權借耕本不啻農民銀行也近因撥欸辦學多聞風解散

各種義會邑中各鄉每有結合鄉人積資聯會或稱均益會或稱百益千益會各捐會底輪流供養公家取其溢利銖積寸累便成巨欸如何泰階所組之迴屬千益會至今積貲數萬金凡迴岐區公所及公益之事皆取給於此意美法良間有鄉村假借菩薩名義蓋欲藉神明監察以免侵吞破壞實則結合團體藉相互之限制以儲蓄其儉積故除神誕外或年節均分或饑荒賑濟或以爲讀書遊庠之獎勵無浪用也另有長生會遇有死亡由會底及會友湊供故雖極貧亦得棺殮又有修橋修路會指定爲公益之用除醮會炮會事屬無謂外其餘各會類皆有益於人群近被狡黠者流指爲迷信强行提撥於是鄉人急急解散今幾絕跡矣

演屬迴
訪冊

廣州清遠學會在廣州市光緒三十二年設立於書芳街名曰留省

清遠縣志

卷十二

社會

三

學會民國十七年易今名以聯絡感情研究學術促進邑中文化爲宗旨其經費由會員捐助並勸捐充之又由本邑地方公款撥助初丹桂社瑞峯書院年助五十元後議四百元然無欸交今定撥一百四十元歷年均有改組內分文書財政交際出版學術五部均設董

事辦理之

學會
季刊

有季刊出版

學優
訪冊

廣州清遠公會在廣州桂香街四十一號民國十年由劉富文等呈准設立籌備總理一人副總理二人協理十二人卽席題捐並舉駐邑總協理分任募捐事宜遂於十一年以五千 百元購買桂香街四十一號房屋深三進濶兩便過以爲會址二十一年籌備就緒呈准立案二十二年三月十九日開幕設董事十五員候補董事五員互選五人爲常務內分總務理財宣傳交際設計五股各設主任及

幹事有季刊出版

公會
季刊

香港清遠公會在荷李活道本邑僑港工商其初止有清邑誠敬堂每年拜祭在港瘞葬同鄉但資藉無多又無會所民國元年二月有提議組織清遠僑港公會者承蘇君星衢捐助巨資立即成立後因經費不敷民國八年邑人議決改組公會募捐欸項以一萬六千五百元購得現在會址即以四樓爲會所其下三層批租以爲經費九年開幕辦理港僑事務及其他善舉歷次接運南洋旅櫬兩次籌賑本邑水災募修各屬基圍等事是也

公會報
告書

上海清遠公會民國七年僑滬同鄉聯合百餘人組織之舉定執行委員現暫在虹口租賃房舍辦事勸捐籌建會所尙望邑人踴躍捐助早日觀成

澤芸
訪册

安南清遠公會在堤岸市安南各埠邑僑約萬人民國七年組織公會租地辦事內設會長一人董事十人

宗唐
訪册

清遠縣志

卷十三

社會

三三

民政 自治

謹案地方自治卽周之比閭族黨漢之三老嗇夫後漢志云三老皆田間大夫續漢志云三老皆鄉官可知治鄉治國皆是有才有德之士夫必先身名安泰乃能型於家邦宋儒尹焞云今之上策莫如自治自治之要在進君子而遠小人使道德成於安強勿以小智子義而圖大功其要義也學宮內之明倫堂爲自治權輿茲故首之

明倫堂天下學宮皆有之明初設臥碑於此凡鄉飲鄉射養老賓興諸大典皆於此行之春秋釋菜大憲觀風各事合邑士大夫並於此行禮焉若吾邑則興革大事排難解紛亦於此理之向祇設書記一人以司召集並無職員然邑中三學諸生及保約紳耆皆爲明倫堂

紳士 禹山
訪册

各鄉保約康熙初分村里設保約舉保正清遠白氏譜九年設立各鄉約

所每月朔望縣官集耆老里民恭讀上諭陽山縣志雍正七年設立約正

光緒志及值月約正各鄉選老成有學行者為約正開平縣志三年有成

效者生員給八品耆老給九品頂戴肇慶府志乾隆三十八年知縣范標

發給鄉約規條清遠郭氏譜四十六年巡撫李湖諭各鄉行保甲每十戶

為一牌十牌為一甲十甲為一保統以保正順德志五十九年巡撫楊

宗仁飭行保甲阮通志道光二十五年續議省河捕務清遠為西北路

派州縣一員為總巡督飭紳耆舉充保甲長實力查察以絕盜源府史

志所有保正約正俱理該鄉村之事各鄉耆老公舉由明倫堂轉詳

備案此各縣皆同者也禺山訪冊

謹按前時保約之數今縣署已無案可查所知者濱江一屬分

四十八保九十六約見魚磯廟石刻屯步一保內分八約而已見屯步局檔冊

清遠縣志

卷十二

社會

三三

其餘迴捕滙屬各訪冊祇就現在鄉局言之並無保約明文然保正約正即為自治機關猶今日之鄉長里長也

緝捕公所嘉慶十九年盜匪肆劫於是游擊張仁請於大憲設立緝

捕公所辦理緝捕地方安謐民亦德之光緒志列傳

團練保約咸豐四年紅匪陷城知縣程兆桂退守濱江密諭各紳聯

約置械團練於是濱屬有四十八保捕屬有咸泰約人和約齊康約

聯和約樂善約迴屬有安全約雲從三十六約均和約滙屬有同泰

約高昇約聯安約等各率團勇克復縣城光緒志知前此已有保約至

是乃聯約置械團練耳禺山訪冊

安良總局咸豐初本邑設團練總局榕石文集同治三年東莞縣奉設安

良局東莞縣志八年令各縣設公局順德志九年鄭提督來辦清鄉設清遠

安良局未幾裁光緒六年奉設四屬安良總局由官委任紳士四員

每屬各一使辦一邑之公事就明倫堂之書記外僱雜役一人而已各紳不支薪水並不開爨月中逢二七日設一晚餐因各紳會議奉官扎查之事必須翌日三八紙旬呈覆也每年局費不及百金附城訪册八十一安良分局自總局成立後光緒十四年提督鄭紹忠來辦清鄉詳請設立各鄉安良分局於是分全縣爲八十局各給木質攻匪保良之戳記各村推舉紳耆數人任之報由總局轉詳備案使理一鄉之事並無委任狀無局長名目亦不支薪水也濱屬訪册

籌辦自治所宣統二年奉令設立於是裁撤安良總局由官委任董事四員每屬一人辦理選舉及各新政事宜將儒學署修改開辦至是各紳遂駐所開爨民國三年裁改爲團保總局勉初訪册

清鄉善後公所光緒三十三年設全省警保局後改團保局番馬志宣

統三年七月總督張人駿奏准改設全省清鄉善後總公所委江孔

清遠縣志

卷十二

自治

三四

殷爲總辦扎行各縣照辦清遠設於自治所內每屬舉一人爲董事

時僅兩月即停慕韶訪册

臨時縣議會民國元年正月四屬商學界推舉代議士三十二名組

織之旋裁子亨訪册

團保總局民國三年奉准設立於自治所內每屬推舉二人爲局董互推一人爲局長辦理鄉團攻匪各事是時開辦游擊隊呈准附加條銀爲經費至是各紳每年支輿馬費五十元五年改爲保衛團總

局碧池訪册

保衛團總局民國五年將團保總局改組每屬二人爲董事由官委任內推一人爲局長辦理鄉團游擊隊各事九年夏改組減爲董事四員當時各區鄉均有保衛團分局十年冬縣議會議決裁之漢三訪册

縣會議民國十年夏選舉議員四十名十月成立經費每年四千元

十二年裁訪步奉册

圍防總局民國十二年縣議會已停保衛團總局又已裁撤邑事無人專責乃組織團防總局以每屬二人爲董事由官委任是年冬縣議會開會又議決裁之

馬山訪册

縣民團總局民國十四年國民政府設立廣東全省民團統率處將全省之鄉團民團工團農團商團歸其統率

見公報

各縣分縣區鄉三級團局統率處委任縣團局團董十六員互推八人爲常務並委任總團長一員以統全縣民團當時共黨把持主使農團攻擊之致有十五年冬之衝突十六年四月清黨農民自衛軍搶劫電報局總司令部派委北江宣撫委員來邑查辦各民團奉令搜剿農匪出走邑城始安後因設立自治會遂被解散

述之訪册

自治籌備會民國十六年正月濱江僑省人士於濱江會議後呈請

清遠縣志

卷十二

自治

三五

設立籌備自治會適陳守仁爲縣長解散各區鄉民團局一律改名籌備自治會委任縣自治會委員八人每區委員各五人每鄉委員各五人或七人旋改爲縣區鄉事會

翼雲訪册

縣事會民國十七年八月西區綏靖處召集會議統一團局改設縣事會由縣委任委員八名各屬有區事會各鄉有鄉事會其委員或五人或七人十八年冬裁撤縣事會區事會而鄉事會則至十九年

乃裁

慕陶訪册

四區特派員辦事處民國十八年十月奉令以縣事會對於行政諸多制肘乃裁撤之以各公事無人執行乃於區委員中擇委二人名曰縣政府特派某區辦事員使辦該區之事至區公所成立裁之

慕韓

訪册

參議會民國十九年選舉參議員十二名互推四人爲常務每月經

費五百四十元各區公所設委員五人各鄉鎮公所設委員五人同時選舉二十一年選舉第二屆參議員十二人內推正議長一人副二人各區公所設正區長一人副二人各鄉鎮公所設鄉鎮長一人副由二人至七人同時選舉但正區長由縣長擬呈民政廳圈任正鄉鎮長由縣長圈任

伯寰
訪册

興靖區公所原為捕屬光緒間建立明新社學春秋祭祀屆時由二十七安良分局各保約紳耆齊集會議俱各自備席金迨季年建立興學祠乃有嘗歛致祭民國二年奉設中區警察籌備處委馮有翼李振彪阮翰波郭翼雲等充當義務四年解散乃由麥瑛徽張春華朱際時阮瀚波鄧燮梅等倡設捕屬保衛團分局辦理團務內設局長一員局董四員由各鄉團董推舉皆當義務五年定由各鄉繳納團總俸餉帶繳局費至是始有開鑿並無薪水改組數次十四年易

清遠縣志

卷十二

自治

三六

名為捕屬區民團局

附城
訪册

十五年六月改為一二八區籌備自治會

設委員七人由縣委任至是乃支薪水十八年改為區事委員會委員五人仍由縣委十八年十月裁之改為縣署特派辦事員二人助理員一人二十年八月改為興靖區自治會將二十七局歸併為十二鄉因沿興仁鄉靖定鄉之名故改立興靖區公所由民選委員五人二十二年二屆改組選舉三人由縣長擬呈民政廳圈一為正區長二為副區長每月經費二百四十八元由各鄉繳納

慕陶
訪册

濶江區公所原日濶一鄉共十四局設立興賢社學於關前墟另濶二鄉共四局設立高陞總局於官庄墟光緒季年設立濶江學務公所於是乃聯合辦事民國初年承領邑城儒學署為濶江公所五年設濶屬保衛團分局內局長一人局董二人仍在關前墟設局邑城是其僑厲

良卿
訪册

十六年改為九十區籌備自治會設於龍山市委員

五人十八年改爲區事會仍由縣委旋改縣署特派辦事員二人助理員一人二十年改爲潛江區公所民選委員五人二十二年二屆選舉三人由縣長擬呈民廳圈一爲正區長二爲副區長每月經費二百四十八元由各鄉繳交

麗韶
訪冊

濱江區公所濱江自康熙時建立雲橋社學至道光時改爲濱江書院定正月初八日爲春祭期四十八保九十六約各紳士皆到祭叙福後會議江內興革事宜無常欸也同治初鄭鑠生馮錫章白玉珩程寶樹劉清元等設立公會昌柴秤館至是始有的欸旋建雲橋書院於城隍街院內設一監院每年薪水六十兩專理發題收課召集會議排難解紛各事光緒十四年江內分設十六局取銷保約名目而春祭會議則所有募勇團練公舉書院值理監院公會昌監督司事秤手各職皆於此時行之宣統初分設書院辦事處於龍頸民國

清遠縣志

卷十二

自治

三七

初停祭數年會議多在邑城學堂六年因匪禍召集會議於龍頸時適蘇營長廷友駐防濱江決定組織濱屬保衛團分局於此以便接洽防軍指揮剿匪因邑有總局故稱分局局內設局長一員年薪三百元局董二員各年薪二百四十元書記一員年薪二百元常川辦事並設立游擊隊一中隊設立逕口捐廠以資給養改期正月十二日爲會議期所有局長局董隊長捐廠監督事司公會昌監督司事等職皆於此時以十六票決之十年添設稽核員二人各支年薪五十元稽查學堂總局捐廠公會昌各數目十二年取銷稽核改設駐邑局董四員使兼稽核亦每年薪五十元十六年改爲濱江籌備自治會移設邑城由縣任命委員五人各支年薪三百元翌年加至四百八十元百餘年來由民公舉者至是改由縣委十七年改爲區事會十八年改爲縣署特派辦事員二人亦由縣委十九年頒布選舉

改爲濱江區公所票選委員五人內推常務三人移回龍頸每年共支二千餘元二十二年改選三人由縣長擬呈民廳圈一爲正區長二爲副區長每年共支二千七百三十六元

濱江各鄉訪册

迴岐區公所自光緒三十三年由何履中等倡建岐新公所於城內組織千益會至是乃有地點常款每逢二月初四日致祭時會議各事內設掌院一人年支一百元民國初年設立迴屬保衛團分局內局長一人局董二人由各分局推舉年薪五十元十六年改爲六七區籌備自治會委員五人由縣委任月薪各四十元十八年改區事會委員五人十八年十月裁改爲縣署特派辦事員二人助理員一人二十年將二十分局歸併爲十鄉改爲迴岐區公所由民選委員五人二十二年二屆選舉三人山縣長擬呈民廳圈一爲正區長二爲副區長每月經費二百六十八元由岐新公所千益會支給

迴岐

清遠縣志

卷十三

自治

三八

各鄉訪册

五十八鄉公所光緒十四年提督鄭紹忠知縣左璫設立全縣安良分局八十所其後同仁局分爲同和局故爲八十一分局當時捕屬分二十七局滙屬分十八局濱江分十六局迴屬分二十局其局董由各鄉推舉保正任之民國三年改稱團保分局五年改稱保衛團分局張知事鑑藻另給木戳十四年改稱鄉民團局以上皆由鄉老推舉十六年陳守仁改爲鄉籌備自治會每鄉委員五人或七人由縣遴委十八年西區綏靖處飭令改稱鄉事會十九年取銷八十一局歸併爲五十八鄉捕屬十二滙屬十八濱江十八迴屬十每鄉設公所由民投票選舉委員五人二十二年改選各鄉舉三人至七人呈由縣政府圈一爲正鄉長餘爲副鄉長自是公所皆設機關鄉長

皆支薪水矣

各鄉訪册

十二鎮公所縣屬各墟市前清時多設街正一名由商民聘請公正紳士任之處理該墟事務宣統初年各大墟市多設商務分會內有會長會董民國二十一年頒佈自治章程百戶以上者准設鎮公所由商民選舉委員五人內推常務一二人二十二年改選選舉三人山縣政府圈任一人爲正鎮長餘爲副鎮長計興靖區有清遠鎮源潭鎮洲心鎮橫石鎮江口鎮潞江區有湯塘鎮官庄鎮迴岐區有平市鎮三坑鎮山塘鎮龍塘鎮石角鎮合共十二鎮公所其餘各墟尙仍設商會

各鎮訪册

民政

選舉

周時比閭族黨歲書其民之孝弟睦婣恭敏者三年大比而登之天家故有道德學行者政府無不與知之焉漢時令州舉秀才郡察孝廉即因其制魏晉以後各州置大中正分別九品以官人至梁且設

清遠縣志

卷十二

選舉

三九

郡宗鄉豪專司搜訪人才此時薦舉依據鄉評考查素履無才學德望者萬難當選故號稱得人清季以來急於求治定行選舉初尙限制宣統選民以有五百元資產繼而改爲普選既無規定資格又無中正考查此選政所以不能清明也今後實行選舉教育亟宜普及使鄉民有鑑衡之識庶不至爲人利用今選舉爲民政大端自不能廢而不載然檔册不全關於監督管理選民票數諸端實難詳載故祇畧陳其時期名目焉

海山訪册

宣統元年令各省設立諮議局北京設立資政院清遠遵設選舉事務所分派調查管理各員籌辦選舉初選當選人十六名廣府複選我邑何履中黃朝恩二人當選

慕韶訪册

宣統三年反正後廣東都督令設臨時省議會准各州縣僑省工商學界及各團體各舉一人爲代議士清遠伍元長當選又佛岡人在

省選舉黃之裳當選本縣臨時議會定捕屬舉六人迴屬六人滯屬六人濱屬六人學界六人商界二人共三十二人爲代議士結果伍毓華唐壽仁等當選

附城
訪册

民國元年定國會省會之制清遠照辦結果國會初選當選三十二人廣府複選黃明新爲候補衆議院議員省會初選當選六十一人複選范洪疇劉公冠當選劉元芳爲候補

叔平
訪册

四年召集國民憲法會議代表清遠初選當選十三名合格者五名在省複選劉鐵海麥瑛徽當選

海山
訪册

八年第二屆省會選舉清遠初選當選五十一名複選麥瑛徽當選蔡廷傑黃開山爲候補

明道
訪册

十年廣東實行自治省長陳炯明令民選縣長惟每選票一張須繳築路免工費六毫該票一選縣長一選縣議員派鄭伊臣爲選舉監

清遠縣志

卷十二

選舉

四

督計選民一萬一千餘人結果選出縣議會議員麥珩徽梁杰華等四十人當選選出候補縣長三人何履中麥瑛徽陳守仁當選聽候省長擇委

泰階
訪册

十八年定南京開國民代表大會廣東共代表十人清遠票數不足卒由廣東總工會選舉邑人劉煥章當選

附城
訪册

十九年令各縣設參議會選舉參議員何廷瑛等十二人當選同時又選舉各區公所委員每區五人各鄉鎮公所委員或五人或七人

第一屆參議會 議事錄

二十一年令各縣選舉第二屆參議會蔡廷傑等十二人當選同時又選舉各區公所正副區長各三人呈由民政廳圈任正區長鄉鎮公所正副鄉鎮長各三人呈由縣長圈任正鄉鎮長餘爲副

第二屆
參議會

議事
錄

二十三年六月令省設參議會規定每鄉鎮五十里以上選舉代表二人清遠各區初選當選代表一百一十三人後由各代表復選黃康平麥振鏞當選丘昭文陳贊容為候補廣東機器公會選舉邑人李伯祥當選

民意報

二十五年十月國民會議代表大會各職業之外定清遠花縣從化新豐佛岡龍門和平連平等八縣為第五區以公民人數為比例由正鄉鎮長共介紹初選人四十名聽候國府圈選□□名然後由民衆票選四名為代表本縣初選□□□等十三名當選

民意報

民政 黨務

國民黨光緒季年孫總理與留學生在日本東京組織中國革命同盟會設立民報宣佈黨綱反正後始為開明政黨民國元年廣州同盟會支會派員來邑設同盟分會于文昌廟尋奉改為中國國民黨

清遠縣志

卷十三

黨務

四一

本邑入黨者無多二年解散九年王鏡波復組織國民黨清遠支部于上廓仁愛善堂旋又停止

西湖訪冊

十三年本部改組李霞舉設清遠縣黨部籌備處于明新社學抽收花捐附加費二毫為經費十四年遷入關岳廟正式成立縣黨部此時入黨者以農團為多十六年奉令整理甄別黨員淘汰六成以上故僅得黨員約千人自後陸續加入乃有今數現奉准由縣政府撥款六千元為黨費

見各黨部訪冊

名目	地點	經費	時期	現在黨員數
清遠縣黨部	中山紀念堂	見上		共一千四百八十二人
一區黨部	上廓中華路	十四年遷今址初提尙		三百八十八
		<small>義堂公款為經費其後由縣城舖租警費附加</small>		
一分部	城內圖書館	一十一年經費		六十六
二分部	城內鎮公所	十一年遷今址		一百一十六

清遠縣志

卷十二

黨務

四一

三分部	上廓中華路	十四年成立	七十三
四分部	下廓後街	同	四十一
五分部	下廓石獅巷	同	六十三
六分部	舊城	二十二年成立	十三
七分部	田龍灣	同	十六
二區黨部	白廟墟	十六年 成立 由警費 附	共六十八
一分部	橫石墟	同	二十五
二分部	江步墟	同	十一
三分部	源潭鎮	同	二十一
四分部	高田墟	二十二年成立	十一
三區黨部	龍頸墟 江區公所	十四年 撥公款 二百四十 元減為 三十元	共二百二十 六人
一分部	龍頸墟	十四年 成立 初由區 黨部 津貼各 分部 二元 十 三年 停	五十一
二分部	石馬墟	同	三十八
三分部	壩仔墟	同	八十四
四分部	白石潭墟	二十二年成立	十八
五分部	石坎墟	同	九
六分部	白石墟	二十二年成立	二十六
四區黨部	石角墟	十四年 成立 由警費 附 加一成 為經費 二十一 元	共八十
一分部	石角墟	同	三十六
二分部	民安市	同	十五
三分部	界排墟	同	十四
四分部	龍塘墟	二十二年成立	十五

五區黨部	洲心墟	水四租八下大南橫	四百三十三
一分部	洲心學同 和社學	墟十四年一成立為經洲心 費今奉令取銷為經 橫水渡租八十元小共 橫水渡租八十元小共	五十三
二分部	沙濠村	附十四年一成立為經八區 年十一	六十六
三分部	洲心學校	同	八十八
四分部	井嶺村	同	七十
五分部	安峯圍	同	八十二
六分部	大巷口	同	三十八
七分部	洲心鎮 芝生堂	附加八年一成立為經八區 附十一	三十六

清遠縣志

卷十二

黨務

四三

六區黨部	山塘墟	附十五年一成立前由六區 年十一	共一百一十
一分部	山塘墟	十五年成立	二十三
二分部	滘塘	同	四十三
三分部	金亭基	同	十五
四分部	三坑墟	二十二年成立	三十
九區直屬 一分部	滘江兩黎 小學校	十八年成立	十二

以上各級黨部俱有監察委員執行委員縣黨部由各區部代表選舉之區部由各分部選舉分部由各黨員選舉惟初時支部長則由本部委辦十六年因農匪共黨作亂奉省黨部令嚴行淘汰並派指導員劉煥章前來改組二十三年因選舉糾紛又奉省黨部派員整

理至二十四年十月復行改選區部分部經費由黨員分別職業購

貼印花以爲給養

區黨部
訪冊

清遠縣志

卷十三

黨務

四四

